



Rabu, 13 Januari 2020

Ogen: Johanes 1:19-28



Nandai Diri



Penting kal kita nandai dirinta, ise kita iadepen Tuhan, adi enggo sitandai dirinta ras uga kita tentu banci si eteh apai si mehuli ras apai si la mehuli. Kai si man pekenan bas dirinta rikut pe ras pendahin, pelayanenta.

Adi sigargari i bas Pustaka Si Badia, labo piga kali ituriken kerna Johanes Peridin. Tapi sekali enda renungenta ngerana kerna kesaksinna tupung kalak Jahudi nungkun ise kin ia situhuna. Labo ia erbual, ikatakenna maka ia labo mesias, labo ia Elia, labo ia Nabi sinandangi reh, tapi ia eme Sora si ererbuh i padang gurun, 'lurusken dalam man Tuhan' bagi sinikatakan Nabi Jesaya. Engkai kam mperidiken adi labo kam mesias, labo kam Elia? nina kalak Jahudi. Emaka nina Johanes Peridiken 'Aku mperidiken salu Lau, tapi nalangi nali sepatuNa pe aku labo metunggun.' Johanes Peridin, itandaina dirina, la meganjang ukurna, la ipakena gelar kalak sideban guna mbanggaken dirina jine. Anem gia ia nikapken dalam man Tuhan Jesus, gelarna la pernah isingetken i bas Pustaka Si Badia selain pasal enda, tapi tetap nge ia singerentes dalam ras erlebuh gelah kalak sideban banci bertobat dengen nandai Tuhan Jesus Kristus.

Selaku moria, ras sekalak nande, perlu kal si tandai dirinta, gelah tetap dalanta i bas dalam Tuhan. Tetap ermeteruk ukur anem gia kai pe sekali dahinta, jabatenta ras uga pe kita bayakna, bahanlah kinibayakenta i doni enda ndarami kinibayaken surga gelah ernanam kegeluhenta. Adi kita ngergai dirinta, kita pe banci ngergai kalak sideban, meherga kap kita kerina iadepen Tuhan. Karakterta genduari e tergantung i bas didiken orangtuanta nari, emaka karakter anakta e pe tergantung uga didikenta.